



Broj: BKC-VM-01-03/20
Prijedor, 28.03.2020.godine

Dostaviti svim:

- **Članovima skupštine, upravnih i stručnih tijela udruženja,**
- **Članicama udruženja,**
- **Kulturnoj javnosti**

Obavijest o mjerama za postupanje u slučaju vanredne situacije u vezi s pojavom i širenjem korona virusa (COVID-19) i preporukama za privremeno organizovanje dijela kulturnih aktivnosti u „beskontaktnom“ režimu socijalnih mreža i elektronskih sistema unutrašnje komunikacije BKC Prijedor

Poštovani,

Na osnovu člana 31.Statuta Udruženja Bosanski kulturni centar u Prijedoru, u skladu s naredbama i odlukama nadležnih organa u Bosni i Hercegovini u vezi s pojavom korona virusa (COVID-19), u cilju primjene mjera nadležnih organa i potrebe da se izbjegnu sve aktivnosti okupljanja kulturnih radnika i umjetnika u kulturnim ustanovama radi preventivnog djelovanja i sprečavanja širenja virusa korona, obavještavam Vas o sljedećim donesenim privremenim mjerama:

- (1) Otkazuju se i zabranjuju svi vidovi javnog okupljanja u organizaciji ili prostorijama Udruženja Bosanski kulturni centar u Prijedoru, ili u prostorijama koje je zakupio BKC u Prijedoru, ili u organizaciji drugih partnera na kome učestvuju članovi BKC Prijedor.
- (2) Vidovi javnog okupljanja koji se otkazuju i zabranju uključuju sljedeće:
 - a. *koncerti i javni nastupi (uključujući i zakazane događaje kao što su: (i) Koncert “Kuće dobrih tonova” 24.3.2020. u Sarajevu, (ii) Ramazanski koncert u Prijedoru 17.4.2020. i Sanskom Mostu 18.4.2020, (iii) Vaskršnji koncert u Sanskom Mostu 20.04.2020.godine),*
 - b. *sastanci upravnih i stručnih tijela udruženja,*
 - c. *probe,*
 - d. *izložbe,*
 - e. *predstave,*
 - f. *seminari, radionice i sastanci,*
 - g. *ostali nespomenuti vidovi javnog okupljanja.*

- (3) Otkazivanje i zabrana svih vidova javnog okupljanja iz tačke (2) ove obavijesti traje u periodu od 11.marta do ukidanja vanrednih mjera od strane nadležnih organa u Bosni i Hercegovini.
- (4) U periodu nakon ukidanja naloženih mjera nadležnih organa u Bosni i Hercegovini, u skladu s datim naredbama, preporukama i drugim važećim propisima, BKC Prijedor će izraditi novi plan aktivnosti, o čemu će članovi udruženja biti upoznati blagovremeno.
- (5) *Ukoliko i gdje god je to moguće, preporučuje se koordinatorima programskih odsjeka udruženja i drugim članovima udruženja da u periodu trajanja ovih vanrednih mjera izvrše pripremu i organizovanje novih ili reproduciranih kulturnih ili umjetničkih sadržaja i aktivnosti koje mogu biti predstavljene putem socijalnih mreža i vlastite platforme informaciono-komunikacionog sistema BKC Prijedor, koji uključuje sljedeće vidove elektronskih sistema („on – line“):*
- Web stranica: <https://www.bkc-prijedor.ba>
 - Facebook stranica: <https://www.facebook.com/BKCuPrijedoru/>
 - Instagram profil: <https://www.instagram.com/bkcprijedor/>
 - Twitter profil: <https://twitter.com/BPrijedor>
 - Youtube kanal: <https://www.youtube.com/BKCuPrijedoru>.
- (6) Zadužuju se predsjednik Upravnog odbora, generalni sekretar i koordinatori programskih odsjeka udruženja da organizuju komunikaciju između članova svojih radnih tijela radi pripreme novog plana aktivnosti. Spisak adresa elektronske pošte BKC Prijedor objavljen je na sljedećem linku: <https://www.bkc-prijedor.ba/organizacija/>

U dubokom uvjerenju da će ove privremene i vanredne mjere trajati što kraće i s minimalnim posljedicama po zdravlje i kvalitet života svih ljudi, uz zahtjev za maksimalnim pridržavanjem istih, u trajnom miru, dobrom zdravlju i s dubokim poštovanjem,

Ostanite kući!



P R E D S J E D N I K
U P R A V N O G O D B O R A

Prof.dr. Sanel Jakupović

Dostavljeno:

- Naslovu,
- a/a